



Concello de Laxe

BASES DO XIII CERTAME DE POESÍA ANTÓN ZAPATA

Máis información no
Departamento de Cultura
do Concello de Laxe.
Teléfono: 610 95 20 17
Email:
cultura@concellodelaxe.com

Coa intención de continuar promovendo e difundindo a vertente cultural poética e especialmente, a figura do poeta local Antón Zapata García, O DEPARTAMENTO DE CULTURA deste concello convoca a DÉCIMA TERCEIRA EDICIÓN DESTE CERTAME DE POESÍA.

1.- Poderá participar no certame, toda persoa que así o desexe, presentando un ou varios poemas (ata un máximo de 3) que deben en todo caso ter un título. Cada autor/a deberá inscribirse nalgunha das seguintes categorías en función da súa idade: CATEGORÍA INFANTIL, ata os 11 anos; CATEGORÍA XUVENIL: dos 12 ós 25 anos ou CATEGORÍA ADULTA: a partir dos 25 anos.

2.- A TEMÁTICA e EXTENSIÓN do/s poema/s, son totalmente libres cun máximo de 60 versos. Poden escribirse en lingua galega ou castelá. En todo caso, deben ser asinados cun pseudónimo elixido polo autor/a.. No caso de que se demostrase que o poema é un plaxio, o Concello de Laxe poderá facelo público e retirar o premio outorgado, incluso con posterioridade ó certame.

3.- A DATA LÍMITE de entrega de poemas será o martes 20 de agosto do 2019 ás 13.00 horas. Non se admitirán a concurso os traballos recibidos fóra desta data, agás aqueles que cheguen por correo postal, sempre e cando, no sobre de envío, figure a data na que se entregou nas oficinas de correos, e esta sexa anterior ó 20 de agosto.

4.- ENTREGA DE POEMAS. Remítanse, preferentemente, por correo postal ó Departamento de Cultura do Concello de Laxe, co fin de garantir o anonimato do/a autor/a: Departamento de Cultura do Concello de Laxe. Avda. Cesáreo Pondal, nº26, 15117, Laxe.

5.-REQUISITOS NO ENVÍO para ser admitidos:

- O/s poema/s enviaranse en sobre tamaño folio.
- Neste sobre, no espazo reservado ó remitente, indícarase en letras maiúsculas "XIII CERTAME DE POESÍA ANTÓN ZAPATA", indicando a continuación a categoría á que se presenta e o pseudónimo ou "falso nome" elixido polo autor ou autora., non indicando en ningún caso o nome real do/a escritor/a.
- No seu interior, introducirase o poema ou poemas que se presenten ó certame, xunto con outro sobre de tamaño máis pequeno, no que se introducirán, escritos en papel, os seguintes datos persoais completos do autor ou autora: Nome e apelidos, data de nacemento, enderezo postal e teléfono de contacto. Na parte exterior deste sobre pequeno, escribirase o pseudónimo e o título do poema ou poemas que se envíen.

6.- GAÑADORES/AS E PREMIOS. O xurado que se constitúa para esta edición, formado como mínimo por 3 persoas que pertencen en parte ó equipo de goberno e traballadores/as do Concello de Laxe, elixirán un único poema gañador por cada unha das categorías.

A cada unha das persoas gañadoras, ademais de outorgarlles un diploma e agasallo institucional que acredite a súa condición de gañador/a, faralles entrega dun lote de libros, elixidos especificamente para o/a gañador/a e que poderán estar escritos tanto en verso como en prosa.

7.- DATOS PERSOAIS E DEREITOS DE IMAXE

Os datos persoais das persoas participantes serán empregados, unicamente, coa finalidade de xestionar e executar este concurso. O/s nome/s e apelidos da/s persoa/s gañadora/s, así como a fotografía da persoa no momento da recollida e entrega do premio do concurso, faranse públicos para o seu xeral coñecemento tanto ós medios de comunicación locais como a través dos medios de comunicación social dependentes do Concello de Laxe.

De acordo coa LOPD, Ley orgánica 15/1999, de 13 de decembro, de protección de datos de carácter persoal, os datos persoais facilitados para a participación no concurso, serán incorporados en ficheiros dos que é responsable O Concello de Laxe. Estes datos serán tratados de xeito totalmente confidencial e serán usados exclusivamente para os fins expresados. Si se desexa exercer os dereitos de acceso, rectificación, oposición ou cancelación dos seus datos persoais que figuran nos nosos rexistros, por favor, solicíteo escribindo un correo electrónico a cultura@concellodelaxe.com ou enviando unha carta ó noso enderezo postal arriba indicado.

8.- A RESOLUCIÓN DO XURADO será secreta e dela extenderase a acta correspondente. A decisión farase pública o sábado 24 de agosto durante a celebración do XIII Solpor Poético na Praia dos Cristais de Laxe.

9.- O fallo do xurado é inapelable, e, en todo momento, prevalecerá o seu criterio sobre calquera outro. Sempre e cando os poemas presentados non reúnan un mínimo de estándares de calidade, non se remitan dentro de prazo establecido, ou non respeten os requisitos de presentación sinalados, o xurado poderá declarar deserto o premio.

10.- As obras que se presenten ó certame, pasarán a formar parte do arquivo literario do Concello de Laxe e enriquecerán o patrimonio cultural municipal. Este concello resérvase o dereito de exposición, reprodución e publicación de ditas obras sin que medie ánimo de lucro e sen que poidan ser obxecto de compravenda. En ningún caso serán esixibles dereitos de autor por parte do escritor ou escritora da obra.

11.- A participación no certame implica a total aceptación das bases.